

vel argento, quæ, quum dimittunt bovem ipsum de stabulo, ponunt sub illo. In uno quorum accipiunt urinam in altero vero immundiciam aliam.¹ De urina lavant facies suas, de altero vero immunditia ponunt primo in medio visus in uno loco; deinde super ambabus summitatibus genarum, et postea in medio pectore; ita quod in quatuor locis ipsi ponunt; quæ cum sic fecerunt dicunt se fore sanctificatos.² Et sicut facit populus sic et rex et regina. Hii similiter aliud ydolum adorant quod est per dimidium homo et per dimidium bos: hoc ydolum per os respondet quod multotiens sanguinem xl³ virginum petit et requirit huic ydolo; ita homines et mulieres vovent suos filios⁴ et suas [filias] ante ydolum istud, ut sibi eorum sanguis ymmolatur.⁵ Unde multi moriuntur isto modo. Sic autem multa alia facit populus iste⁶ quæ scribere et audire abhominatio esset quædam. In hac etiam insula multa alia habentur et nascuntur quæ non expedit scribere multum. Aliam autem consuetudinem pessimam habent ydolatræ hujus regni. Nam quando homo aliquis moritur, ipsum comburunt mortuum, et si uxorem habet ipsam comburunt vivam, cum dicant eam ire ad manendum⁷ cum marito suo in alio mundo. Si autem mulier filios habet ex marito suo, cum eis manere potest⁸ si vult. Si autem mulier moriatur, lex aliqua non inponitur viro, cum possit si vult aliam accipere in uxorem. Alia autem consuetudo illuc habetur, nam mulieres vinum bibunt, homines vero non; mulieres etiam faciunt sibi radi visum et barbam, homines vero non;⁹ et sic de multis aliis mirabilibus et bestialibus que illuc fiunt quæ etiam scribere non expedit multum.

18. *De regno Mobar ubi est corpus B. Thomæ Apostoli, et de conditionibus ydololatrarum.*

Ab hoc regno sunt decem dietæ usque ad unum aliud regnum, nomine Mobar,¹⁰ quod est multum magnum regnum, habens sub se multas civitates et terras. In hoc autem regno positum est corpus beati Thomæ apostoli, ecclesia cuius plena est ydolis multis. Penes etiam quam sunt forte xv domus Nestoriorum et Christianorum qui nequissimi et pestimi sunt heretici.¹¹ Similiter in regno isto est ydolum mirabile valde quod omnes contratae Indiae multum reverentur. Nam ipsum est magnum quantus sanctus Christoforus communiter depingitur a pictoribus, et est

¹ *Ven.* stercus.

² *Hak.* pro tota die illa.¹

³ *Far.* has iiii or virgines; *Hak.* aliquotiens pro stipendio petit sanguinem xl, etc.

⁴ *Par.* 2. Et filias dare sicut hic alicui religioni, et sic per istum modum homines interficiunt filios suos et filias; *Ven.* to the same effect; also *Far.*, *Hak.*, et *Mus.* sicut Christiani aliqui alicui religioni vel sancto in cœlo. So also *Ram.*

⁵ *Ram.* secondo che il profeta dice.

⁶ *Hak.* bestialis. Immo, etc.

⁷ *Hak.* in aratura et cultura cum viro suo in alio mundo.

⁸ *Ven.* nec ei ad verecundiam imputatur; *Mus.* sine verecundia et impropio; *Hak.* impropio. Communiter tamen omnes præeligunt comburi cum marito.

⁹ *Mus.* faciunt sibi radi cilia supercilia et barbam, et homines non, et sic est de aliis multis vilitatibus utriusque sexus. In *Hak.* it is cilia et supercilia et barbam also...et sic de multis aliis vilibus contra naturam sexus eorum.

¹⁰ *Far.* has Bobarum; *Ram.* Mebor.

¹¹ *Hak.* et in circuitu ecclesiæ simul Canonici vivunt in 15 domibus Nestoriani, i.e., mali Christiani et Schismatici. From *Mus.* simul should be sicut; also...Christiani pestimi cismatici et nequissimi heretici. *Far.* has xvi domus.